

Curpa a lansa su website curpa.org

ARIBA 18 di maart 2013 CURPA a lansa su website curpa.org. Unabes bo subi nos website lo bo tende nos jingle di eleccion 2009. Nos jingle nobo lo keda cla pronto y lo wordo poni ariba e website. Bo por nabega e website den cuater idioma: Ingles, Hulandes, Spaño y Papiamentu. Ariba e website nos tin un seccion di Mediateca na unda bo por wak y tende tur nos grabacionnan manera conferencia di prensa, entrevista na radio,, Video chat, Audio chat y otro grabacionnan. Pronto nos lo bin tambe cu e posibilidad di ricibi nos grabacionnan den forma di Podcast via di itunes y google play. Den nos seccion di articulonan bo por lesa tur e articulonan oficial cu a wordo manda pa prensa pa publicacion. Bo por comparti

e articulo cu bo amigonan y tambe tuma contacto cu e autor pa comentario. Tur nos actividadnan cu nos ta organisa lo ta poni den nos seccion di agenda. Nos ta ofrece tambe ariba e website Video, Audio y Text chat na unda e pueblo por participa y puntra preguntanan live na nos candidatonan y expertonan invita. Den nos seccion di boluntario bo por registra pa ta un boluntario. Tambe bo por registra ariba nos boletin di noticia EPA! (Etica den Politica Arubano) cu lo wordo manda pa bo e-mail 1 bes pa luna. Via di e slide show nos lo presenta nos foto album pero tambe nos lo ilustra cu echonan e mal maneho di gobierno cu ta hiba Aruba den bancarota y destruccion. Nos lo update e slideshow constan-

temente. Den e seccion di Links bo por lesa nos blog pagina y tambe pronto nos programa di gobernacion 2013-2017 cu ta yama "Un cuminsamento nobo pa un futuro sigur!" Nos lo presenta tambe un plan concreto con nos lo yena bo cartera cu mas placa. Bo por lesa nos ultimo tweets den e twitter box y den e seccion Postbus di e pueblo e pueblo por deposita electronicamente pruebanan di actonan di corrupcion y manipulacion di cifranan den y door di gobierno. Nos lo studia esaki y publica e resultado y si ta necesario nos lo entrega keho na autoridad. E sistema di postbus ta traha di tal forma cu nos lo no sa ken a manda e informacion. Nos postbus ta yen yen caba y na su debido tempo nos lo publica e informacion di e abuso nan y inhusticia cu ta tuma luga contra e pueblo tras di

cortina den gobierno. E pueblo lo keda babuca!!! Manera nos a bisa na hopi ocasion "No ta tur cos cu ta briya ta oro!" y pronto e masacra nan lo cay. Si bo kier keda na altura di e ultimo sosedidonan sigui nos ariba twitter y facebook. Nos ta trahando duro pa bin tambe cu nos mes un internet radio na unda bo por scucha nos live via bo computer, tablet of smartphone. CURPA.org lo haci todo posibel pa henter e pueblo di Aruba keda informa di tur nos plannan pa cu Aruba y tambe nos kier publica tur e inhusticianan cu gobierno ta haci contra e pueblo. Nos ta kere cu un pueblo bon informa por tuma un miho decision ariba dia di eleccion pa asina evita cu Aruba ta wordo goberna door di partidonan politico tradicional cu cada biaha ta hiba Aruba mas cerca di un destruccion.